



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
Tribunál Distritál Suai
6 Marsu 2015

Tribunál Distritál Suai julga kazu violénsia doméstika 20 hosi kazu 47 ne'ebé julga liu hosi tribunál movél iha Distritu Bobonaro

Iha 25-27 Feveireiru 2015, Tribunál Distritál Suai realiza julgamentu movél iha Distritu Bobonaro. Iha julgamentu ne'e, tribunál julga kazu 20 ne'ebé konstitui nuda'ar krime ho natureza violénsia doméstika hosi total kazu 47 ne'ebé julga durante tribunál movél iha distritu refere.

Entre kazu hirak ne'e, kazu 5 tribunál konklui ona nia prosesu no kondena ho pena multa, kazu 11 tribunál kondena ho pena suspensaun, kazu 1 sei iha prosesu nia laran, no kazu 3 tribunál adia tanba arguidu ho lezada la marka prezensa.

“JSMP apresia servisu tribunál sira hakbesik justisa ba comunidade iha área rurais, mekanizmu ne'e bele fasilita comunidade kbi'it la'ek sira-nia asesu ba justisa formal,” dehan Diretór Ezekutivu JSMP Luis de Oliveira Sampaio.

JSMP observa katak autór judisiáriu sira iha sensibilidade hodi fo atensaun ba kazu ne'ebé mak involve fetu ho labarik. JSMP louva maneira juis, prokuradór no defensor iha audénsia la uza toga wainhira julga kazu ne'ebé involve labarik. JSMP konsidera katak ne'e prátika di'ak tanba konsidera labarik sira nia nesesidade tuir labarik nia kapasidade.

JSMP mós observa katak aleinde hala'o julgamentu, atraves hosi tribunál movél ne'e juis sira mós sosializa informasaun legal relasaun ho prosedimentu justisa formal ba comunidade no entidade relevante ne'ebé marka prezensa iha julgamentu ne'e.

Julgamentu movél ne'e prezide husi Juis Administradór Tribunál Distritál Suai, Dr. Alvaro Maria Freitas, Ministériu Públiku representa husi Dr. Jose Ello no Defensor Públiku representa husi Dr. Joao Henrique de Carvalho.

Rua setubal, Colmera, Dili Timor Leste
PoBox: 275
Telefone: 3323883 | 77295795
www.jsmp.tl
info@jsmp.minihub.org
Facebook: www.facebook.com/timorleste.jsmp
Twitter: @JSMPtl

Atu hetan informasaun liutan favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Telefone: 3323883 | 77295795